



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ

Ex Vita Domini Jesu, Sanctorumque Gestis In Singulos anni dies mira
facilitate & solertia distributæ ... ; Cum indicibus necessariis

Pars Hyemalis - A Dominica I. Adventus Domini nostri usque ad
Dominicam Septuagesimæ

Haineuve, Julien

Coloniæ Agrippinæ, 1665

Huic affines & Evangelio conformes aliæ producuntur veritates.

urn:nbn:de:hbz:466:1-44194

32.
12.
37.
consideratio. Attendite popule meus legem meam
inclinate aurem vestram in verba oris mei. Ape-
riam in parabolis os meum, loquar propositiones
ab initio. Idcirco, ut ait Evangelista, in parabolis
Christus loquebatur ad turbas, & sine parabolis
non loquebatur eis: ut dum minus Ipse intelligen-
retur, magis acuerentur animi Auditorum ad
eum intelligendum, magis ipsi inquirerent, per-
scrutarentur & omni modo investigarent, sicut
& ipse admonerat, *Qui habet aures audiendi,*
Math. 13. *audiat; & qui legit intelligat.*

Ibid. 24. Idcirco etiam Parabola & similitudo grani
sinapis & fermenti assumitur, quia ut habet glos-
sa interlinearis de sinapi, *quanto plus teritur,*
tanto plus redolet; & fermentum non nisi multa
manuum agitatione & operâ fermentatur: quæ
sunt aperta Symbola nostræ mentis agitandæ, &
multum verandæ circa illas Veritates, quæ non
nisi diligenter, & attentè perpensæ, capiuntur.

12.
Iob, 28. *Trahitur sapientia de oculis,* inquit beatus
Iob, sed quomodo trahitur, nisi frequenti medi-
tatione, desideriis ardentibus, & incensis suspi-
riis? Nulla via facilior ad intelligentiam rerum
divinarum & spiritualium, sicut ille se expertum
profiteretur qui dicebat, *Super omnes docentes me*
Ps. 118. *intellexi, quia testimonia tua meditatio mea est.*
Quod si laborem in meditando times, cogita
illud esse pretium quo veritas emitur, juxta illud
sapientis, *Veritatem eme, & noli vendere Sapien-*
tiam. Nonne res tam pretiosa, tali digna est pre-
tium? Adde, quod si semel Veritatum illarum in-
telligentiam & amorem tibi comparaveris, nul-
lus supererit in virtutum praxi labor, nulla mo-
lestia, sed omnia tranquille fluent. Hoc tibi pol-
licentem audi Dominum Deum tuum, & vide
quid illi respondeas: *Hæc dicit Dominus Redem-*
ptor tuus sanctus Israel, ego Dominus Deus tuus;
Ih. 48. *docens te utilia, gubernans te in via quaambu-*
las, ut in mandatis meis mandata mea, facta fuis-
set quasi flumen pax tua, & iustitia tua sicut gur-
ges maris.

HUIUS affinis est illa Veritas quæ supra in hac
parte, Feria sexta infra hebdomadam 2. post E-
piphaniam declarata est:

Si quid nos revocat à doctrina Christi, vel ob id
maximè recipienda est.

QUIA de Consideratione Veritatum oportet
tunc hæc sermo est, opportuna hæc etiã esse

posset illa Veritas quæ supra refer-tur 29. De-
cembris.

Sicut discursum nostri intellectus statim sequi
debet affectus voluntatis: Ita & affectum
effectus, seu executio.

QUOD magis in doctrina Christi refugi-
mus, illud magis esset quærendum: seu, quod i-
dem est, quod magis esset quærendum in do-
ctrina Christi magis illud refugimus, quia nostri
nobis placent morbi, neque his sanari volumus:
unde satis hic apta & apposita proponi potest
Veritas quæ habetur Feria 5. sequentis hujus
hebdomadæ:

Quod gravius in te est malum, hoc minus vis
curari.

CUM in minimis rebus Evangelica inclu-
dantur Mysteria, certè rerum minimarum cura
nobis commendatur, quò referri possunt hæc Ve-
ritates:

In parvis, major est servi Dei fidelitas.

Habetur infra, Feria sexta hujus sequentis heb-
domadæ.

Cura rerum minimarum, rem procurat omnium
maximam.

Declaratur Sabbato infra hebdomadam quar-
tam post Pentecosten, in 3. parte.

Nec magna bene, si parva male.

In eadem 3. parte, Feria 5. infra hebdomadam o-
ctavam, ubi hæc duo ipse parabola de grano si-
napis & fermenti exponuntur.

DE Humilitate generosa & magnifica, quæ
his parabolis obvelatur.

Hæc est maximè laudabilis Humilitas, quæ sic
laudes fugit, ut laudanda non omittat.

Nullus est dives, Humili quantumvis paupere,
magnificentior.

Habentur amba consequenter in eadem 3. parte,
Feria tertia & quarta, infra hebdomadam
duodecimam,

Quæ de Humilitate plures alibi: Vide verbo Hu-
militas, & in 4. parte, Dominicam 16.